

佛說熾盛光大威德消災吉祥陀羅尼經序

越溪沙門性澄述

夫能仁之爲教也所契者道所體者神統法界而有爲窮三世而不息無乎不在故天爲覆地爲載日月星辰爲照臨羣生品物爲吉凶消長感而遂通故凶可以避吉可以趨天地日月星辰萬物各可以使其至於當者皆斯經之宗用也其消穢災難導致禎祥方軌壇儀要制期限粲然靡所不載足以上福邦家下祐民庶即近而達遠即事而顯真誠博要之道歟爰自不空傳譯歷代寶之依法誦持衆機蒙益可無訓釋以裨流通維昔雲間鑑師雖嘗疏解繁略未馴輒不自揆採摭山家諸祖格言刪補治定庶或少補于將來時至治二年龍集壬戌奉詔赴都乘驛淮河中秋日叙

佛說熾盛光大威德消災吉祥陀羅尼經

唐特進散騎郎三藏沙門大廣智不空奉詔譯

爾時釋迦牟尼佛在淨居天宮告諸宿曜遊空天衆九執大天及二十八宿十二宮神一切聖衆我今說過去娑羅王如來所說熾盛光大威德陀羅尼除災難法若有國王及諸大臣所居之處及諸國界或被五星陵逼羅睺孛孛妖星照臨所屬本命宮宿及諸星位或臨帝座於國於家及分野處陵逼之時或退或進作諸障難者但於清淨處置立道場念此陀羅尼一百八遍或一千遍若一日二日三日乃至七日依法修飾壇場至心受持讀誦一切災難皆悉消滅不能爲害若太白火星入於南斗於國於家及分野處作諸障難者於一念怒像前畫彼設都嚕形厲聲念此陀羅尼加持其災即除移於不順王命悖逆人身上受者即說陀羅尼曰

曩謨三滿跢一沒馱喃二上聲阿鉢囉合二底逸丁切賀哆舍四娑娜喃五聲怛姪他六庵七引法佉八佉四聲佉四九呬呬十短呼八縛合二囉

一十入縛囉二鉢囉合二入縛三鉢囉入縛攞四底瑟姤二合底瑟姤二合瑟致合哩七瑟致合哩八薩普合二吒九薩普合二吒十扇底迦一十室哩合二曳二安縛合賀三二十此陀羅尼一切如來同共宣說若有苾芻苾

芻尼族姓男族姓女受持讀誦此陀羅尼者能成就八萬種吉祥事能除滅八萬種不吉祥事若有國王大臣及諸眷屬一切庶民或被五星羅睺計都孛孛妖星照臨帝座於國於家及分野處所屬宮宿災難競起或鎮星陵逼或進或退及宿世冤家欲相謀害諸惡橫事口舌厭禱呪詛以爲災難者令諸衆生依法受持一切災難悉皆消滅不能爲害變災爲福皆得吉祥我今說此陀羅尼不可思議功德無比祕密受持勿妄宣傳爾時如來告諸四衆若有國界不安災難並起請清淨衆如法建立道場安置佛像結界護持香華燈燭隨分供養令諸有情獲福無量其災即除爾時如來說是陀羅尼經已時曼殊室利菩薩摩訶薩及諸聲聞四衆遊空大天

及諸星辰一切聖衆咸依佛勑頂禮奉持各
還本宮及天龍八部一切大衆聞佛所說皆
大歡喜信受奉行

佛說熾盛光大威德消災吉祥陀羅尼經

佛說熾盛光大威德消災吉祥陀羅尼經
校勘記

- 一 底本，清藏本。
- 一 三七二頁上一行至末行經序，石、磧無。
- 一 三七二頁上一行「佛說……經序」，南作「註消災經序」。
- 一 三七二頁中一行經名，石作「最勝無比大威德金輪佛頂熾盛光消災吉祥陀羅尼經」；磧作「佛說最勝無比大威德金輪佛頂熾盛光消災吉祥陀羅尼經」。 磧卷末經名同。
- 一 三七二頁中二行譯者，石、磧、南作「特進試鴻臚卿大興善寺三藏沙門大廣智不空奉詔譯」。
- 一 三七二頁中五行第六字「說」，石、磧作「宣說」。
- 一 三七二頁中六行「陀羅尼」，石、磧作「真言」。下同。又「及諸」，石、磧無。
- 一 三七二頁中八行「誓字」，石、磧作

「計都誓字」。
一 三七二頁中一〇行「障難」，石、磧作「災難」。

一 三七二頁中一行「一千遍」，石、磧作「一千八十遍」。

一 三七二頁中一二行「修飾」，石、磧作「嚴飾」。

一 三七二頁中一五行第四字「一」，石、磧無。又「厲聲」，石、磧作「勵聲」。

一 三七二頁中一六行第一〇字「除」，石、磧作「散」。本頁下一九行第三字同。

一 三七二頁中一七行首字「逆」，石、磧作「逆之」。又「受者」，石、磧無。

一 三七二頁下七行第九字「事」，石、磧作「之事」。次行第二字同。

一 三七二頁下一〇行「宮宿」，石、磧作「本命宮宿」。

一 三七二頁下一一行「或進或退」，石、磧作「或退或進」。

一 三七二頁下一二行第一五字「者」，

石、磧無。

一三七二頁下一三行「悉皆消滅」，

石、磧無。

一三七二頁下一五行「勿妄宣傳」，

石、磧無。

一三七二頁下一六行「四衆」，石、磧作「大衆」。

一三七二頁下一七行「道場」，石、磧

作「壇場」。又「安置」，石、磧作「安立本尊」。

一三七二頁下一九行第一四字「已」，

石、磧無。

一三七三頁上一行首字「及」，石、磧作「并」。又「奉持」，磧作「奉行」。

一三七三頁上二行第四字「及」，石、

磧作「及諸」。

一三七三頁上卷末經名，石作「佛說最勝無比大威德金輪佛頂熾盛光消災吉祥陀羅尼經一卷」。